

Međunarodna zajednica jedinstvena u svojoj podršci radu Komisije za Mostar

Ambasadori koji predstavljaju zemlje-članice Upravnog odbora Vijeća za implementaciju mira u Bosni i Hercegovini smatraju da je Komisija za reformu Mostara, pod predsjedavanjem gospodina Norberta Winterstein-a, jedino tijelo koje je kompetentno da razriješi preostala pitanja vezana za grad Mostar. Ovo je zaključak koji su ambasadori zemalja-članica Upravnog odbora donijeli na svom današnjem sastanku u Sarajevu na kojem su razgovarali o dosadašnjem napretku Komisije za reformu Mostara.

Ambasadori zemalja-članica Upravnog odbora apelirali su na članove Komisije da u interesu svih građana grada Mostara postignu koncenzus koji će omogućiti da Mostar postane ujedinjen grad kao jedinstvena jedinica lokalne samouprave. Ambasadori su takođe izrazili svoj čvrst stav da niti jedan konstitutivni narod ne smije dominirati gradom Mostarom. Ambasadori Upravnog odbora su iz tog razloga preporučili da Komisija utvrdi odgovarajući izborni sistem za grad Mostar, kao i proces glasanja u okviru Gradskog vijeća, kako bi osigurala pravičan i efikasan proces odlučivanja u kojem će biti zastupljeni svi narodi.